

ԳԵՎՈՐԳ ՉԱՌԻՇ

Ս. Կ. ՊՈՂՈՍՅԱՆ

Գևորգը չափազանց համեստ մարդ էր*։ Նա չէր սիրում իր մասին խոսել և չէր կարողանում հանդուրժել, երբ իրեն գովում էին։ Մարդկանց հետ հարաբերություններում ծայր աստիճանի պարզ և ուղղամիտ էր, իշխանություն ցույց տալու կամ ձևամոլության, քաղաքական ճամարտակությունների ու բանասերկությունների համոզված թշնամի էր, տանել չէր կարողանում «կուսակցություններ խաղացող» ասասերներին։ Մինչև Սերոբի Սասուն գալիս չեռնաշխարհում հայդուկների ղեկավարը Գևորգն էր, բայց նա սիրով իր տեղը զիջեց Սերոբին։ Նա զինվոր էր, մարտիկ և իր կյանքի նպատակն էր համարում հետևյալը. լաո, լինել Հայաստան, ես բոստան ցանեի, դու հյուր գալիր, և ես վարունգ հյուրասիրեի։ Նա չէր սիրում, երբ իր մասին երգեր էին հնարում և ասում էր. «Իմ վրա երգեր մի կապեք։ Ես բոստանչու աղա բոստանչի եմ, ինձ բահ տվեք»¹։ Ահա մի պատահիկ Գևորգի փիլիսոփայությունից. «Շատերը հարցնում են, թե խմբերով լեռներն ընկնելով և հեղափոխություն կատարելով ազգ կազատվի»։

Ազգի ազատությունը դյուրին գործ է, եթե սուտ հույս չդնեք հանգիստ կյանքի վրա, որ չունեք, քանի որ թուրքի ձեռքի տակ եք և լիարժեք հարբստություններով, որը ձեր չէ։

Մտածեք, որ մեր կյանքը կարճ է, շատերը մեռնում են չծնված. շատերը՝ խելքի չեկած ու աշխարհ չտեսած։ Տեսնողներն էլ ապրում են շատ-շատ 50—60 կամ 70 տարի։ Երբ էլ լինի՝ մեռնելու ենք։ Բայց, եթե չսպասենք աստծո կամքին և ուզենանք մեր կամքով մեռնել՝ այն ժամանակ կազատվենք։ Աստված մեզ ազատում է մարդ արարածի կենաց տանջանքից, իսկ մարդը իրեն ազատում է մարդու փորձանքից...

Թե որ բոլոր հայերը երեկոյան ուխտ անեն մեռնել, առավոտյան արևը դեռ չծագած՝ ազատ են»²։

Երբ կովի մեջ չէր, Գևորգն աշխարհի ամենախաղաղ ու ամենահամեստ մարդն էր, իսկ երբ կռիվ էր, նա կերպարանափոխվում էր։ Կռվում նա տիրակալ էր, առյուծ, որի կեցվածքը բոլորին հարկադրում էր ենթարկվել։

Նա նեղ օրվա, շարքաշ կյանքի մարդ էր։ Օրերով սոված ու ծարավ էր մնում, անմոռն՝ դիմանում սառնամանիքներին, բնության բոլոր արհամարիքներին և, երբ ընկերները չէին դիմանում ու տրտնջում էին, ասում էր. «Հայդուկի բախտն է այդպես։ Եթե հայդուկ ես, դիմացիր»։

Գևորգը համընդհանուր հարգանք ու սեր էր վայելում։

1899 թ. ձմռանը թուրքական իշխանությունները ստոր միջոցներով դավադրաբար սպանեցին Սերոբին։ Այդ լուրը ստանալով, Գեղիեգուզան են շտապում Անդրանիկն ու Գևորգը։ Նրանք նախ սպանում են դավադրության անմիջական իրականացնողին՝ Գեղաշենի ռես Ավին, իսկ ապա դավադրության կազմակերպչին՝ Բշարա խալիլին³։

Գևորգը պարտիզանական կռիվների տաղանդավոր կազմակերպիչն էր։ Ահա այդ միտքը հաստատող բազմաթիվ օրինակներից մեկը։ Մի անգամ Գեվորգը հիվանդ էր և որոշում է գիշերն անցկացնել Բերդակ գյուղում։ Առավոտ

* Հոգիվածի սկիզբը տե՛ս ամսագրի 1989 թ. № 6-ում։

¹ Ավ ո, Գևորգ Չաուշ, Պեյրուք, 1972, էջ 114։

² Նույն տեղում, էջ 162։

³ Անդրանիկի կյանքը, պատերազմները և հուշերը, Պեյրուք, 1932, էջ 58—59։

վաղ գլուղը շրջապատվում է։ Հայդուկները մարտի մեջ են մտնում։ Նրանք թշնամու հարվածները հետ մղելով աննկատ քաշվում են գյուղի հետնամաս, դիրքեր գրավում ու կռիվը շարունակում։ Հայդուկները կռվելով նահանջում էին։ Լեղդայն նրանք մինչև երեկո կտրում են 20 կմ ու հասնում Ծիրին-Կառտար։ Հայդուկները մոտենում են Կորեկի աղբյուրին և մառախլապատ եղանակից օգտվելով, անհետանում։

Մուշից մեծ քանակությամբ մարդիկ էին եկել՝ տեսնելու շորս հայդուկի կռիվը բազմաթիվ թշնամիներին դեմ:

Բերդակում Գևորգը մի քանի կոիվներ է ունեցել և գյուղին կից ժայռը ստացել էր ԲԳևորգի քար» անունը:

Դիրին-Կատարում Գևորգին լուր են բերում, որ Հրայրը Շենիկում ժողով է հավաքել, հայդուկներին զինաթափել, իսկ Անդրանիկից պահանջել է հեռանալ Սասունից։ Հաջորդ օրը նա գնում է Սեմալ։ Այստեղ նրա հետ հանդիպելու են գալիս զինաթափարված հայդուկները։ Գեղիեզուզանում հայդուկները ժողով են գումարում և Գևորգի առաջարկությամբ Անդրանիկին ընտրվում է հալոսկապետ։ Անդրանիկը լալատում է։ «1910 թ. հոկտեմբերին, Գեղիեզուզան գյուղում մեր զինվորների գաղտնի ժողով-խորհրդակցություն գումարեցինք։ Ես, Գևորգը, Հարությունը, Վաղարշակը և Հաջի Հակոբը։ Մեր խորհրդակցությունն նպատակն էր միջոց, և ուղի գտնել հայ ժողովրդի վրա ժանդարմության ագնակը մեղմելու և թուրքական ու քրդական հարստահարություններն ու հայաթանքները դադարեցնելու...»⁴։ Նրանք որոշում են ձմեռն անցկացնել Առաքելոց վանքում, Մուշ քաղաքից 8 կմ հեռավորության վրա։ Այս ալտի ձոգեբանական ազդեցությունը հասկանալի է՝ հայդուկները պետք է իրենց շատ ուժեղ զգային, որպեսզի համարձակվեին Առաքելոց վանքում ձմեռել։ Տակափեկական տեսակետից տրամաբանությունը հետևյալն էր։ Առաքելոց վանքը բարձունքի վրա էր, ուներ ամուր պարիսպներ և մոտ էր Մուշ քաղաքին ու Դաշակ գյուղերին, որ հնարավորություն էր տալիս լուծելու սննդամթերքի, զինքի անհրաժեշտ պաշարների կուտակման հարցը։ Անդրանիկին ու Գևորգը մոտ 40 հայդուկներով 1901 թ. նոյեմբերի 3-ին մտնում են վանք։ Մի քանի օր հետո վանք են մտնում ևս 20 հայդուկ։

Լույսմբերի 7-ին թուրքական երեք հազարանոց մի զորաբանակ Սալեհ փաշայի գլխավորությամբ շրջապատում է վանքը, այն կտրելով դրսի աշխարհից։ Վանքը պաշարելով թուրքական հրամանատարությունը համոզված էր, որ հայդուկների սննդամթերքը շուտով սպառվելու է, իսկ սառնամանիքին նգանք չէին կարողանալու ճնդքել պաշարման շրթան ու հեռանալ։ Այսինքն, նրանք դատապարտված են ստվամահուկության կամ գերության։ Թուրքերի այդպես էին մտածում, իսկ Ռեհրդը,—գրում է Անդրանիկը,—ամեն օր վանքի դպրոցի աշակերտներին հանում էր բարձր տանիքը՝ բերդ խաղալու։ Հաճախ ինքն էլ էր մասնակցում։ Երեք կողմից թուրքերի արձակած գնդակները, չլիփ-չլիփ կպչում, մխրձվում էին տանիքի թաց հողի մեջ և կամ խաղացողների գլուխների վրայով ֆսթ-ֆսթ սուլցոյով անցնում գնում՝ հաճույք պատճառելով չարաճճի աշակերտներին»⁶։ Գևորգն այդ անելով նպատակ ունի՝ Թշնամուն զգանալ, որ վանքում գտնվողները որևէ մտահոգություն չունեն և միաժամանակ զինվորներին մեջ հոգեբերկում առաջացնել և նրանց գլխադրական կորույր թուլացնել»⁷։

Քեորգը նաև ամեն ինչ անում էր պաշարված հայդուկների, որբերի; ուսուցիչների ու վանքի մյուս ծառայողների տրամադրութունը բարձրացնելու համար: ՃՊուրը գինվորներից ոմանք իրենց գետնափոր դիրքերից քարերի

⁴ Լ. Ն. Բախչյան, Անդրանիկի բերնով, Առաքելոց վանքի կողմը և հալիլ բերի սպանությունը. Պետրոս, 1966, էջ 6:

Ե Բենդանիկի կյանքը, պատերազմները և հույները, էջ 62:

6 H. of M., 67th Cong., 1st Sess., pp. 137-138.

7 նույն աւելում, էջ 138:

արանքով սողսլով իջնում են ներքև, գոմի հտևում թաքնվում և նշան բռնելով կրակում: Երբ նրանցից որևէ մեկը գլուխը բարձրացնում էր ու նրա ֆեսը՝ երևում էր, Գևորգը կրակում էր: Ֆեսը թռչում էր վեր, որն ուղեկցվում էր պաշարվածների ուրախ բացականչություններով ու ծիծաղով:

Նման դեպքերում Գևորգն ըստ սովորության բացականչում էր. «Հլ, հլ, ես Գևորգն եմ»: Իսկ գոմի հետևից լսվում էր թուրք զինվորների ձայնը. «Այդ դու՛ ես, Գևորգ Զաուշ»⁸:

Նոյեմբերի 19-ի գիշերը թուրքերը երեք կողմից հարձակման անցան: Մռախուղ էր. «Անմոռանալի էլ է զարհուրելի գիշերվա այն դուցազնական դրվագը,—գրում է Անդրանիկը,—երբ ...հանկարծ ասացին, որ շարիքին հաջողվել է մոտենալ վանքին և պատրաստվում էր ներս խուժել, Գևորգը մի քանի կտրիճների հետ դուրս եկավ դեպի Հավատորիկ և հագնվեց տաս համազարկ փոխանցելուց հետո, թշնամին հտ քաշվեց և մինչև վերջը որոշ հեռավորությունից առաջ չեկավ»⁹:

Առաքելոց վանքի կոնվլը շփոթություն առաջացրեց Յլդզում: Դրանով սկսեցին հետաքրքրվել օտար պետությունները: Սուլթան Համիդի հեռագրերը պահանջում էին բոլոր միջոցներով վերջացնել այդ խայտառակությունը¹⁰: Թուրքական հրամանատարությունը հայդուկներին բանակցությունների առաջարկություն արեց: Պաշարվածները հարկադրված էին ընդունել այդ առաջարկը, որովհետև երկու օրվա վառոդ ու փամփուշտ էր մնացել, ուտելիք չկար: «Այն օրը,—գրում է Անդրանիկը,—որ մենք իրենց նամակին պատասխանեցինք՝ թող գան, իսկույն վանքի առաջնորդարանը մաքրեցինք և մոմերի դատարկ սնդուկները բերեցինք ու առաջնորդարանի մեջ իրար վրա շարեցինք՝ վրայի միայն 4—5 սնդուկները փամփուշտներ լցնելով: Փամփուշտի այդ սնդուկների մոտ ցիրուցան գցեցինք փամփուշտ լցնող գործիքներ, անգլիական և տեղական վառոդների տոպրակներ ու արկղեր...»¹¹:

Նոյեմբերի 23-ին թուրքական պատվիրակները վանք մտան: Անդրանիկի կողմից ներկայացրած պահանջները հիմնականում հանգում էին բարենորոգումների մայիսյան ծրագրի կենսագործմանը: Մինչ Պոլսից պատասխանի ստացվելը զինադադար հայտարարվեց: Օգտվելով դրանից, հայդուկներն առանց պատասխանի սպասելու, նախապատրաստվեցին և նոյեմբերի 27-ի գիշերը վանքից հեռացան: «Անսպասելի, գրեթե գերբնական է այս փախուստը, որն առասպելական գույն ստացավ և ֆիյայիները եղան անխոցելի և անըմբռնելի ժողովրդի երևակայության մեջ...»

Ժողովուրդը դուրս է գալիս վհատության հեղձուկ խավարից և իր հոգու խորքում գտնում է ապրելու կամք և պայքարի արիություն...»¹²: Ֆրանսիական «Օրորը» գրեց. «Աղերսանքներով Եվրոպային դիմելուց հետո հայերն այժմ ուրիշ տոնով են ուզում խոսել նրա հետ: Այժմ նրանք ավելի մեծ շանս ունեն ուղարկություն գրավելու»¹³:

Առաքելոց վանքի կոնվլը մեկ անգամ ևս հաստատեց այն ճշմարտությունը, որ Օսմանյան կայսրությունում փոքր ժողովուրդներն ապրելու և գոյատևելու միայն մեկ ուղի ունենին՝ զենքը ձեռքին մաքառել այդ իրավունքի՝ հարատևելու համար: Գևորգը գրեց. «Սասունը հեղաշրջված էր, ինքնավստահության և դիմադրության հոսանքը վերստին գրավում էր իր տեղը»¹⁴:

Առաքելոց վանքի կոնվլը մեկ ամիս հետո թուրքական ուժերի դեմ Գևորգը փայլուն հաղթանակ տարավ Նորաշեն գյուղում: Այդ կոնվլներն էլ ավելի

8 Անդրանիկի կյանքը, պատերազմները և հուշերը, էջ 66:

9 Ավո, նշվ. աշխ., էջ 140:

10 Կ. Սասունի, Սարերու Ասլանը, Պեյրուք, 1966, էջ 318:

11 Ավո, նշվ. աշխ., էջ 143:

12 Ազգային հերոս զոր. Անդրանիկ և իր պատերազմները, Փարիզ, 1953, էջ 18:

13 Դրոշակ, 1901, № 9:

14 Անդրանիկի կյանքը, պատերազմները և հուշերը, էջ 189:

բարձրացրին հայդուկների հեղինակությունը: Հրայրը զգում էր, որ դաշնակցականների նկատմամբ հետաքրքրությունը թուլանում էր. երևան էր եկել մեկուսացման վտանգը: Այս պայմաններում թե՛ Հրայրն ու Հաջի Հակոբը, թե՛ Կորյունն ու Վարդան վարդապետը կարծում էին, որ պետք է հայդուկների հետ համագործակցել: Նրանք Անդրանիկին ու Գևորգին հաշտության ձեռք մեկնեցին: Սակայն այս վիճակը Թիֆլիսում նստած դաշնակ ղեկավարներին անհանդուրժելի թվաց: Եվ նրանք 1902 թ. Սասուն ուղարկեցին իրենց կուսակցության ակտիվ գործիչներից Վահան Տողրամաճյանին: Տեղ հասնելուց հետո նրա առաջին գործը եղավ Գևորգին Սասունից արտաքսելը¹⁵: Գևորգը մեկնեց Վան, իսկ այնտեղից բարձրացավ Սիփանի լանջերը: Նա այստեղ ձևավորեց մի զինված խումբ և շրջում էր Արճեշի գյուղերով, որտեղ տեղ ու տիրական էր Փոռ Հուսեին փաշան:

Գևորգի արտաքսումը թե՛ Սասունում և թե՛ Տարոնում առաջ բերեց բուռն դժգոհություն: Մասնավորապես, ըմբոստացան տավրիկցիները, որոնք սպառնացին Գևորգին չվերադարձնելու դեպքում ֆիզիկապես ոչնչացնել Վահանին: Վահանն ընկրկեց և հին ֆիդայիների մի մեծ խումբ շարժվեց դեպի արևելք՝ Գևորգին դիմավորելու համար:

1894—96 թթ. կոտորածներից հետո սուլթանը փոխեց հայերի բնաջնջման մեթոդները: Զանգվածային կոտորածներին փոխարինելու եկան Հայկական հարցի լուծման այնպիսի մեթոդներ, ինչպիսիք էին մշտական ճնշումները, մասնավորապես հայերի ունեցվածքի ու հողերի բռնագրավումը, նրանց տնտեսական քայքայումն ու արտահոսքը, կրոնափոխությունն ու ուժացումը, ոչ խմբային սպանություններն ու կյանքի անապահովությունը: Սակայն դարի սկզբներին սուլթանին այդ մեթոդներն այլևս չէին բավարարում: Նա նորից արյան գետերի էր տենչում: Դրա ազդանշանը դարձավ Սպաղանքի կոտորածը, երբ ամենասադիստական ու ամենաալանդակ մեթոդներով բնաջնջվեց գյուղի բնակչության ճնշող մեծամասնությունը:

Թուրքական իշխանությունները նախապատրաստական աշխատանքներ սկսեցին նորից Սասունի վրա հարձակվելու և այն հայերից դատարկելու համար: Այդ աշխատանքները տեղի ունեցին երկու տարի և ավարտվեցին 1903 թ. աշնանը: Թուրքական 10 հազարանոց մի բանակ դիրքեր գրավեց Մուշ քաղաքի հարավային շրջաններում: Թուրքական զորաշուկատներն աստիճանաբար թափանցեցին Սասուն և իրենց ձեռքը վերցրեցին ստրատեգիական կարևոր նշանակություն ունեցող կետերը: Թուրքական երկու վաշտ տեղավորվեց Շենիկ և Սեմավ գյուղերում և հսկողության տակ վերցրեց Սասունի դռները: Հետո այդ զորքերի թիվը զգալիորեն ավելացավ, ինչը գործնականում անհնար դարձրեց հայդուկների ազատ տեղաշարժերը նույնիսկ բուն Սասունում: Ստեղծվեց վտանգավոր վիճակ: Գևորգն այդ լավ էր հասկանում և որոշեց ինչ գնով էլ լինի թուրքերին դուրս շարտել Սեմալից: Նա Սեմալի զինված խմբերին հանձնարարեց դիրքեր գրավել և կրակ բացել թուրքական զորամասերի վրա, իսկ ինքն իր ջոկատով շրջանցեց այդ զորամասերի թիկունքը և շեշտակի հարձակման անցավ: Թուրքական զորամասերը, առանց լուրջ դիմադրություն ցույց տալու, նահանջեցին դեպի Կուրտիկ:

Այդ օրերին դաշնակցականները հայդուկային շարժման ղեկավարներից պահանջում էին ուժերը կենտրոնացնել Սասունում, հրաժարվել պարտիզանական պայքարից ու ճակատամարտ տալ թուրքական բանակների դեմ: Սասունում թուրքերին հասցվող հարվածի ուժը մեծացնելու նպատակով նրանք Դաշտի գյուղերից ու մերձակա շրջաններից զգալի թվով ջոկատներ տեղափոխեցին լեռնաշխարհ: Անդրանիկն ու Գևորգը վճռականապես դեմ էին այդ գործելակերպին: Նրանք գտնում էին, որ ուժերի մի վայրում կենտրոնացնելը և թուրքական բանակի հետ ընդհանուր ճակատամարտ տալը նշանակում էր հարցականի տակ դնել ոչ միայն հայդուկների, այլև Սասունի բնակչության գոյությունը: Դրա համար էլ նրանք մերժեցին դաշնակցականների

¹⁵ Կ. Սասունի, նշվ. աշխ., էջ 340:

ծրագիրը: «Կարող ենք մեր ամբողջ ուժերը մի որևէ վայրում նետել Հակա-տամարտի մեջ,—ասում էր Անդրանիկը,—բայց տևական դիրքային կռիվը մեր ուժերը կսպառի: Պետք չէ, որ նույն տեղը մնանք, մեր ուժերը քիչ են և նրանց խմբական ու հարվածային քայլերը կարող են թշնամուն շփոթի մատնել: Այս գործելակերպը պետք է որդեգրենք, բայց առայժմ մնանք Սասնո սահմանների մեջ»¹⁶: Նույն կարծիքին էր նաև Գևորգը. «Շեշտակի հարվածներ պետք է տանք թշնամուն և շատ հաճախ փորձենք նրա թիկունքը անցնել: Մենք մեր արագաշարժությամբ կարող ենք շփոթի մատնել թուրքա-կան բանակի շարքերը, քանի որ 10 հազարի հասնող մի զանգված պիտի մտնի այս լեռների և ձորերի մեջ»¹⁷:

Ձեռնարկելով ինքնապաշտպանական կռիվներ, հայդուկները չէին կարող անուշադրության մատնել և որոշակի վարքագիծ չդրսևորել քրդերի նկատմամբ: Ի տարբերություն դաշնակցական որոշ լիզերների այն պնդա-մանը, թե հայ-քրդական միությունն անհնար է¹⁸, հայդուկների դեկավարու-թյունն այդ միությունը համարում էր ոչ միայն հնարավոր, այլ նաև կեն-սական: Անդրանիկն ու Գևորգը շատում էին, որ հայկական պահանջը ընթա-նա տեղական ժողովուրդների պահանջների հետ ներդաշնակ...»¹⁹:

Քրդերի շրջանում հատկապես ակտիվ գործունեություն էր ծավալում Գևորգը: Նա ձգտում էր միավորել հայ և քուրդ ժողովուրդների ուժերն օս-մանյան բռնատիրության դեմ: Նա ցեղապետների հետ «շատ հաճախ խոր-հրդակցում էր և նրանց օգնությամբ հաջողացնում էր քուրդ ժողովուրդի մեջ ևս հեղաշրջում առաջ բերել, որպեսզի հայերի հետ միասին բողոքենք ներ-կայացրե՞նք օսմանյան կառավարության կեղծարար պաշտոնյաներու դեմ, հարկ եղած դեպքում, զենքի զորությամբ միասնաբար պաշտպանենք երկու-եղբայրացած ազգերի կենսական իրավունքները»²⁰: Սակայն սուլթանական կառավարությունը կարողացավ աղաների, շեյխերի, բեկերի ու ցեղապետե-րի միջոցով քրդերին հարձակման տանել հայերի վրա: Հայկական հարցի ամ-բողջ ողբերգությունն այն է, որ օսմանյան իշխող դասակարգերին հաջող-վեց հայերի անկախական ձգտումներով ահաբեկել քրդերին և նրանց վերնա-խավին հավաքել հայաշինչ քաղաքականության դրոշի շուրջ:

Ստեղծված վիճակը քննելու և գործողությունների պլան մշակելու հա-մար Գեորգիգուզանի Ռշկներ կոչված թաղում հրավիրվում է շարժման ղեկա-վարների ժողով²¹: Այստեղ ռազմական գործողությունների ընդհանուր հրա-մանատար ընտրվեց Անդրանիկը: Նա նաև պետք է ղեկավարեր Արևելյան Շատախի ճակատը, Հրայրը՝ հյուսիսային ճակատը, Գևորգը՝ հարավային և հարավ-արևմտյան ճակատը (Խշխանձոր-Տալվորիկ), Կոտոյի Հաճին՝ Զա-յի ճակատը: Այսինքն, ինչպես նշում է ժամանակակիցը, այդ ժողովում Գե-վորգը ընտրվեց զինվորական խորհրդի անդամ և զինվորական երկրորդ հրամանատար²²: Ժողովը որոշում է. «...կռիվ տալ ճակատագրական, վեր-ջին անհավասար մարտնչումների ճակատամարտ և ապա հեռանալ սուրբ հայ-րենիքից»²³:

1904 թ. կռիվները հետևյալ ընթացքն ունեցան: Մարտի վերջին Տիգրա-նակերտից ու Սղերդից եկած թուրքական զինվորական և ոստիկանական ու-

16 Դրոշակ, 1904, № 15:

17 Նույն տեղում:

18 Ք. Միքայելյան, Հեղափոխական մտքեր, Ժնև, 1906, էջ 123:

19 Մ. Ավետիսյան, Յուզամատեան և զոր. Անդրանիկ, Փարիզ, 1954, էջ 128:

20 Հարազատ պատմություն Տարոնոյ, խմբագիր Աղան Տարոնցի, հեղինակներ Տիգ-րան և Միսակ Բեկյաններ, Կահիրե, 1962, էջ 236:

21 Ավետ, նշվ. աշխ., էջ 189:

22 Դրոշակ, 1907, № 9:

23 Զոր. Անդրանիկ և իր պատերազմներ, գրեց Արսեն Մուրադեանը, Կ. Պոլիս, 1920, էջ 85:

ժերը, ինչպես նաև Հազոյի աշիրեթները միացյալ ուժերով գրավում են Խուլ-
րի բնակավայրերը, դրանք թալանում ու ավերում: Այստեղ նրանց միանում
են նաև տեղական բրդերն ու երեք գումարտակ զորք: Թշնամին շարժվում
է դեպի Տալվորիկ և ուժեղ ճնշում գործադրում նրա հարավային և հարավ-
արևելյան թևերի վրա: Թուրքական ուժերի մի մասն էլ բարձրանում է Ան-
դոկի. փեշերը: Ապրիլի 1-ին Գևորգի ղեկավարած պաշտպանության քիժն
արդեն վտանգված էր: Գևորգին հաջողվում է Հեղին գյուղում թշնամու գերա-
կշիռ ուժերին հակահարված տալ ու հետ շարտել, սակայն նկատի ունենա-
լով, որ այդ շրջանը նոր հարձակումներից պաշտպանելը դժվար էր, նա Խիան-
քի հայկական գյուղերի բնակիչներին տեղափոխում է Իշխանձոր:

Շուտով մարտական գործողություններ են սկսվում նաև հյուսիսում: Փե-
տրովարի 5-ին տեղի ունեցավ Հունանի կռիվն ու կոտորածը²⁴, մի քանի օր
անց՝ Տափքի դավադրությունն ու այդ գյուղի բնակիչ-բրդերի արտաքսումը:
Դրանց հաջորդեցին Տալավեի կռիվն ու բազմաթիվ այլ ընդհարումներ: Սա-
կայն խոշոր մարտերը տեղի ունեցան ապրիլի 11—13-ին (Շենիկում, Սեմա-
լում, Ալյանքում և Չալի հովտում):

Թուրքական 20 հազարանոց բանակը հյուսիսային ռազմաճակատում
դիրքեր էր բռնել 20 կմ երկարությամբ²⁵, այսինքն ռազմաճակատի ամեն մի
մետրին բաժին էր ընկնում մեկ զինվոր և մեկ քուրդ: Թուրքերը բոլոր ուղ-
ղություններով առաջ էին շարժվում դեպի Գելիեգուզան, որի վրա առաջին
ընդհանուր հարձակումը տեղի ունեցավ ապրիլի 15-ին: Գելիեգուզանը մինչև
ապրիլի 22-ը հերոսական դիմադրություն ցույց տվեց թշնամու տասնյակ
անգամ գերակշիռ ուժերին: Հայերը գյուղը թողեցին միայն այն ժամանակ,
երբ արդեն ռազմամթերք չունեին²⁶, Այդ կռիվների ընթացքում հայկական
գյուղերի վրա նետվեց 1500 ռումբ: Սակայն Սասունը շարունակում էր դի-
մադրել: «Մինչև մայիսի 14-ը, — գրեցին եվրոպական թերթերը, — տասը օր
շարունակ 200 հայ ապստամբներ Տալվորիկի ու Գելիեգուզանի միջև խիզա-
խաբար մաքառում էին գերակշիռ ուժերի դեմ: Նրանց հաջողվեց կամուրջ
գցել, որպեսզի հնարավորություն տան անցնելու 150 ընտանիքների: Այդ
ժամանակ Մուշից եկան թուրքական օժանդակ ուժերը՝ չրետանու հետ»²⁷:

Թշնամուն ութ օր շարունակ համառ դիմադրություն ցույց տվեց Տալվո-
րիկը: Գրավելով Տալվորիկը, թուրքերը զազանային հաշվահարդար տեսան:
«Կանանց խոշտանգում էին՝ կտրում նրանց կրծքերը, պատառոտում որովայ-
նը, երեխաներին նստեցնում սրերի վրա, ծեծերին՝ թրատում, կտոր-կտոր
անում: Սասունի շրջանն ամբողջովին ավերվեց և ամայացավ: Մուշի հար-
թությունը ևս դարձավ հայության սպանդանոց»²⁸:

Հայերի զանգվածային կոտորածները սկսվեցին ապրիլի 27-ից: Սասու-
նում սպանվեց 7773 հոգի: 8854 հոգի մնաց անօթևան և առանց սննդի, այր-
վեց 2262 տուն²⁹: Ըստ մի այլ աղբյուրի, Սասունում 45 հայաբնակ գյուղեր
«այրվել, քանդվել և փչացել են»³⁰:

Սասունի ազգաբնակչության մի մասը հայդուկների ուղեկցությամբ իշ-
նում է Դաշտ՝ ապավինելու Տարոնի հայությանը³¹: Պարտիզանական ժանր
կռիվներ մղելով դեպի Դաշտ են շարժվում նաև Անդրանիկն ու Գևորգն իրենց

²⁴ Esat Uras, Tarihte Ermeniler ve Ermeni meselesi, Ankara, 1950, s. IV.

²⁵ Е. Саркисян, Политика османского правительства в Западной Армении, Ереван, 1972, с. 213.

²⁶ ՀեՍՀ Մամուլի պատմության կենտրոնական արխիվ (այսուհետև ՀեՍՀ ՄՊԿԱ), ֆ. 43, ց. 1, գ. 47, թ. 10:

²⁷ Sassoun et les atrocités hamidiennes, Geneve, 1904, p. 32.

²⁸ ՀեՍՀ ՄՊԿԱ, ֆ. 131, ց. 1, գ. 59:

²⁹ Մատենադարան, Կաթողիկոսական դիվան, թղթ. 237բ, վավ. 18, թ. 72:

³⁰ ՀեՍՀ ՄՊԿԱ, ֆ. 131, ց. 1, գ. 60:

³¹ Նույն տեղում, գ. 47, թ. 10:

շոկատներով: Ճանապարհին նրանք թուրքական բանակի հետ ընդհարումներ են ունենում Կուրտիկի փեշերին ու Գոմեր գյուղում և հաղթող են դուրս գալիս³²:

Մշո կառավարիչ Հաֆըղ փաշան իր մոտ է կանչում քաղաքի հայ մեծամեծերին և ասում, թե սուլթանից հրաման է ստացել, որ, եթե հայդուկները Տարոնից հեռանան, ապա կոտորածներն ու հալածանքները կդադարեցվեն և հայերի համար կստեղծվի խաղաղ կյանքի հնարավորություն: Մշո առաջնորդարանն ու դաշնակցական կոմիտեի ղեկավարներն ընկրկեցին և սկսեցին հայդուկներից պահանջել, որ նրանք հեռանան Տարոնից ու Սասունից: Նրանց կարծիքով հայդուկները կարող էին Դաշտի հայության կոտորածի պատճառ դառնալ: Կոմիտեն հայդուկներին գրում էր. «Կառավարությունը և զորաբանակը Դաշտի հոծ հայությանը ամբողջությամբ խեղդելու սև ծրագրեր են որոշում: Անդամանելի աղետ պիտի լինի, եթե խմբերը չհեռանան դեպի Վան... Երբ հեռանաք այդ լեռներից ու Դաշտից, մենք աղմուկով այդ իրողությունը պիտի հայտնենք ու թերևս, այդպիսով որոշ ժամանակ վտանգը հեռացնենք այս շրջաններից: Օտար հյուպատոսների ներկայությունն էլ մեզ պիտի օգնի»³³: Այս նամակը ստանալուց հետո Անդրանիկը Գևորգին գրեց. «Մենք Մովսեսը վերադարձանք: Կ. կոմիտեն խնդրում է, որ լեռները ապաստանենք, կամ անցնենք Ախլաթի շրջան: Դաշտի վիճակը ծանր է: Կապ պահենք իրար հետ թուրքիկ փոքր խմբերով և զգուշանանք նոր դեպքերից մինչև Մուրադի վերադարձը»³⁴: Այսինքն, Անդրանիկը նպատակահարմար էր համարում Մուշից ստացված խնդրանքը ժամանակավորապես կատարել մինչև Մուրադը Վանից վերադառնալ և պարզ դառնալ, թե Վանում ինչ վիճակ է տիրում և որքանով է նպատակահարմար Վասպուրական մեկնելը: Բայց Անդրանիկի այդ քայլը հանդիպեց հայդուկների մի զգալի մասի դժգոհությանը և նա որոշեց խնդիրը դնել հայդուկների ժողովի քննարկմանը: Այդ որոշմանը հանգեցնուց հետո նա նորից առաջինը Գևորգին է գրում. «Սիրելի Գևորգ, վերցրու խմբերը, Մշո դաշտի և Ավրանի վրայով բարձրացիր Տերիկ գյուղը, ուր իրար կգտնենք»³⁵: Մի քանի օր անց նա Գևորգին գրեց. «Դաշտում ձեր լինելը անհրաժեշտ է: Շուտով Վահանն էլ է Դաշտ իջնելու»³⁶:

Մառնիկի անտառում ժողովի է հավաքվում հայդուկության ծաղիկը, քննելու մեկ հարց՝ Տարոնից հեռանալ, թե ոչ, և եթե հեռանալ, ապա ո՞ւր. Վա՞ն, թե՞ ալլուր: Տաք վեճեր եղան: Տարոնից հեռանալու դեմ հատկապես ըմբոստանում էին վաստակաշատ հայդուկները, մասնավորապես տեղացիները: Այդ թևը ղեկավարում էր Մակարը, որն իր խմբի հետ լքեց ժողովն ու հեռացավ:

Բուռն քննարկումից հետո ժողովը որոշեց ժամանակավորապես Սասունից հեռանալ: Բայց հեռանալուց առաջ որոշվեց թշնամուն ևս մեկ հարված հասցնել: Առաջին ճակատամարտը տեղի ունեցավ Կուրավու գյուղում՝ հուլիսի 16-ին, որտեղ թուրքերը մոտ 100 մարդու կորուստ ունեցան³⁷: Երկրորդ բախումը տեղի ունեցավ օգոստոսի 11-ին՝ Շամիրամ գյուղում, որտեղ ևս թուրքերը մեծ կորուստներ տվեցին: Հայդուկները գիշերը դատարկեցին Շամիրամը և շարժվեցին Դաշտանի ուղղությամբ: Նրանք տեղավորվեցին դատվանցիների նավակներում և ուղղություն վերցրին դեպի Ախթամար: Թուրքերը ծովից ու ցամաքից պաշարեցին կղզին³⁸:

Հայդուկների հետ հանդիպելու համար Վանից եկել էին դաշնակցական գործիչներ Իշխանն ու Վահան Փափազյանը (Կոմսը): Ախթամարի տաճարի

³² Անդրանիկի կյանքը, պատերազմները և հուշերը, էջ 102:

³³ Կ. Ս ա ս ու ն ի, նշվ. աղթ., էջ 447:

³⁴ Նույն տեղում, էջ 454:

³⁵ Նույն տեղում, էջ 457:

³⁶ Անդրանիկի կյանքը, պատերազմները և հուշերը, էջ 101:

³⁷ Նույն տեղում, էջ 104:

³⁸ ЦГВИА, ф. 450, оп. 1, д. 142 (1906), 2л. 1, 19.

մոտ ժողովի հավաքվեցին: Պարզվեց, որ Վանի գործիչները ամենևին էլ ուրախ չեն, որ հայդուկային այդ ստվար ու փորձված խումբը Վասպուրական է եկել: Նրանք հայդուկներին առաջարկեցին Վասպուրականից հեռանալ և Պարսկաստանի վրայով անցնել Անդրկովկաս: Ժողովում տաք վիճարանություններ եղան: Անդրանիկը Վանի դաշնակցական ղեկավարներին մեղադրեց վախկոտության ու անգործության մեջ, որը լուրջ վնաս հասցրեց Մասունի հայդուկային կոիվներին³⁹: Կոմսն ու Իշխանը չկարողանալով հիմնավոր պատասխան տալ այդ մեղադրանքներին, գերադասեցին հեռանալ ժողովից: Իսկ Գևորգը հայտարարեց, որ ինքը վերադառնում է Մասուն: Նրան միացան ևս 13 հայդուկներ:

Թուրքական զորամասերը շրջապատել էին լիճը: Բարեբախտաբար մանախապատ եղանակ էր: Նավակն իր ուղղությամբ կորցնում է և շարժվում դեպի Ախլաթ: Գիշերը վրա էր հասել, երբ հաջողվեց մոտենալ Կծվակի ժայռոտ ափին: Հայդուկներն ափ ելան ու սկսեցին մագլցել ժայռն ի վեր: Հանկարծ հենց դիմացից՝ մոտ 30 մետր հեռավորությունից, ուժեղ հրաձգություն սկսվեց: Պարեկություն անող թուրքական զորքերն էին, որ շարժման ձայն առնելով՝ կրակ էին բացել: Հայդուկներին հաջողվեց հուժկու հարվածով ցրել հակառակորդին և մագլցել նեմրութի լանջերն ի վեր⁴⁰: Անլուր հալածանքներին ու խստություններին ենթակա ժողովուրդը, որ ֆիդայիների մեկնելուց հետո անձնատուր էր եղել սև հուսալքությանը, երբ իմացավ Գևորգի ներկայությունը իր մեջ, իր կողքին, իր մոտ, կրկին ունեցավ սփոփանքի թեթև սարսուռ, կրկին իր հոգու խորքում զգաց հույսի բաբախում: Գևորգն էր՝ կեղծքիչների սարսափը: Վերադառնալուց հետո Գևորգի շուրջը հավաքվեցին 70—80 հայդուկներ. «Թե որ մեռնել կա, էլ ինչու՞ մեռնել շղթան ձեռներին: Ավելի լավ չէ՞ մեռնել Գևորգի կողքին»⁴¹:

Մասունի ժողովուրդը վերադառնալով՝ գյուղերն այրված էր գտել: Մասունցիին ժլարել էր պատերի տակ ու վերականգնում էր քանդված օջախը: Թուրքերին հաջողվել էր զինաթափ անել ոչ միայն Մասունի, այլև Դաշտի դուռերի ազգաբնակչությանը: Դաշտում հազարավոր մարդիկ, ամբողջ գյուղեր սրի էին քաշվել, ամենուրեք թալան ու ավերածություն էր: Մասնավորապես լկտիացի էին ջանքեղարները: «Քիչ են կարծես ժողովրդի ցավերը, — դրում էին Մուշից, — թուրք ջանքեղարների խումբն էլ սկսեց արյուն հոսեցնել: Նրանք քաղաքում արդեն հրեշավոր կազմակերպություն ունեն, որի միակ նպատակը հայերին կոտորելն է»⁴²: Այդ ջոկատներում հիմնականում հավաքված էին բախտախնդիր, պորտաբույծ և ավազակային տարրեր: Զանքեղարները կառավարությունից ստանում էին բարձր աշխատավարձ, ձրի հագուստ, մեռնիկ և այլն: Սուլթանը ազատագրական շարժումների դեմ պայքարում գործարքի մեջ էր մտնել քրեական հանցագործների, ավազակների հետ: Հայդուկներն իրենց գլխավոր հարվածը ուղղեցին ջանքեղարների դեմ:

1905 թ. Բերդակում հրավիրված հայդուկների ժողովում Գևորգն ասաց. «Մնացինք մենք, մեր գյուղը և մեր ալյուրը: Պետք է գործենք այնպես ու այնքան, ինքան որ մեր ալյուրը չուր կվերցնի: Մասունն ընկավ, մնացինք բաց Տարոնի ու Դուրանի մեջ, ամեն քայլափոխը մեկ-մեկ վաանգ է, պետք է քուրդ բեկերի հետ հարաբերության մեջ մտնենք և ամեն կերպ աշխատենք նրանց մեր կողմը պահել»⁴³:

Թուրքական զորքերի ու ոստիկանության բոլոր ջանքերը՝ Գևորգին ձեռք գցելու, անցան ապարդյուն: Նա ուրվականի նման հայտնվում էր, հարվածում ու անհետանում: Թուրքերը կատաղած էին, հուսահատված ու ամոթա-

39 Անդրանիկի կյանքը, պատերազմները և հուշերը, էջ 111:

40 Դրոշակ, 1907, № 10:

41 Ռուբեն, Հայ լեզափոխականի մը լիշատակները, հ. Գ, Լոս-Անճելես, 1951, էջ 337:

42 Դրոշակ, 1906, № 10:

43 Ավո, նշվ. աշխ., էջ 264—265:

հարա Այգ օրերին Գևորգի մարտական գործողություններից ամենափայլունը հարս գյուղի կռիվն էր⁴⁴:

Հայդուկները Սասնո լեռներում այլևս թաքուն չէին գործում: Մառնեկում նրանց ճամբարն էին գալիս Սասունի տարբեր գյուղերից, բողոքում հրահանգներ ստանում, իրենց ծառայությունն առաջարկում: Այստեղ գալիս էին նաև քրդեր ու քուրդ ցեղապետեր՝ Գևորգին տեսնելու, նրա հետ խորհրդակցելու, պայմանավորվելու: Մառնիկի լեռան փեշի բացառը Դարձել էր հայդուկների շտաբը:

Դեմոկրատական-հեղափոխական տրամադրությունների աճի, ինչպես նաև հայդուկների ջանքերի շնորհիվ 1905 թ. հայ ազգաբնակչության նկատմամբ ճնշումներն ու հալածանքները որոշ չափով մեղմացան:

1906 թ. սկսվեց հայդուկների ակտիվ գործողություններով: Տակտիկական պլանը նույնն էր՝ արագ տեղափոխություններ, շեշտակի հարվածներ: Փոքր խմբերի բաժանվելով հայդուկները տարածվեցին Սասունի ու Տաթևի ամբողջ տարածքով և որտեղ հանդիպում էին թուրքական ուժերի, շեշտակի հարված էին հասցնում ու հեռանում:

Բայց 1905—1906 թթ. ոչ միայն հայդուկային շարժման ամենածավալուն, այլ նաև ներքին հակասությունների ու պառակտումների շրջան էր, որը վերջին հաշվով հանգեցրեց այդ շարժման անկմանը: Ո՞րն էր պատճառը: Արդեն տասը տարի Գևորգի և դաշնակցության բյուրոյի ու նրա Գուրան-Բարձրավանդակի կոմիտեի միջև պայքար էր մղվում հայդուկային շարժման լինել-չլինելու շուրջ: Այդ պայքարի ընթացքում Գևորգը երկու անգամ արտաքսվեց Սասունից, մեկ անգամ Սասունից դուրս հանվեց հայդուկային շարժման կորիզը: Շարժման ու նրա ղեկավարների նկատմամբ կիրառվում էին վարկաբեկելու և ահաբեկելու զանազան միջոցներ:

Հայդուկային շարժման վերացումը, ինքնապաշտպանական ջոկատների վերածելը դաշնակցական կոմիտեիներին կից գործող մարտական խմբերի և պայքարի մեթոդների առումով Տաթևում Վանի մի տարբերակի ստեղծումը դաշնակցության ղեկավարների համար ձեռք բերեցին սկզբունքային նշանակություն և նրանք միջոցների ու հնարավորությունների առաջ կանգ չէին առնում՝ այն իրականացնելու համար: Մեկը մյուսի հետևից Սասուն էին ուղարկվում դաշնակցական կուսակցության աչքի ընկնող գործիչներ (Վահան, Վարդգես, Գուրգեն), օգտագործում էին տեղի դաշնակցական գործիչներին (Հրայր, Վարդան վարդապետ, Տատրակ), բայց ապարդյուն: Հայդուկային շարժումը ոչ միայն ապրեց, այլև աննախադեպ ծավալ ու թափ ընդունեց: Դրանից հետո շարժումից հեռացան դաշնակցականների կողմից ուղարկված գործիչները: Վերջինը Կորյունն էր, որը հեռացավ 1905 թ., Գևորգին թողնելով հետևյալ երկտողը. «Միբլի Գևորգ, ես գնացի»: Կարգալով այդ երկտողը, Գևորգը դառնացած ասաց. «Կորյունին վաղուց դուր չէր գալիս իմ գործելակերպը: Նա պահանջում էր հեռու մնալ ինքնապաշտպան կռիվներից և սպասել: Սպասել, երբ նույնիսկ աչքիդ առաջ խոշտանգում, թալանում ու սպանում են հայ գյուղացուն: Կորյունը մնացածների նման հեռացավ, թե փախավ արյան մեջ շաղախված մեր այս երկրից»⁴⁵:

1906 թ. կեսերին Սասուն հասավ դաշնակցական ևս մի գործիչ՝ Ռուբեն Տեր-Մինասյանցը: Վ. Իսկանդարյանը, որ 1906 թ. դաշնակցական բյուրոյի հանձնարարությամբ գնացել էր Երկիր, գրում է. «Հետագայում մեր խոսակցությունների ընթացքին ես և Ռուբենը պարզեցինք. ես՝ Հ. Հ. Դաշնակցական Արևելյան բյուրոյի, իսկ նա՝ տեղական ընկերների տեսակետները: Ռուստոմը, Սիմոնը և Համոն (բժ. Օհանջանյան) շարունակ պնդել էին և ինձ էլ պաավիրել, որ աշխատենք Գևորգին համոզել, նա միառժամանակ թողնի Երկիրն ու անցնի Կովկաս...»

⁴⁴ Կ. Սասունի, նշվ. աշխ., էջ 367:

⁴⁵ Նույն տեղում, էջ 591:

Պետք էր, որ նա կուվկասում միառժամանակ շրջանների մեջ մասնորէ Ամենքն էլ համոզված էին, որ այդ հանգամանքը շատ բարեբար ազդեցութիւն պիտի թողներ նրա բնավորութեան, գաղազած հոգու և աշխարհայացքի վրայ: Մյուս կողմից՝ նրա և փախստական տղոց մեծ մասի հեռանալով, Դաշտի մեջ գինված ընդհարումների շարժառիթները կպակասեին:

Ռուբենը ճիշտ և ճիշտ նույն առաքելութեամբ եկել էր Վանից: Այդ հողի վրա շարունակ պայքարել էր խոսքով և օրինավոր որոշումներով, սակայն միշտ հանդիպել էր Գեորգի համառ դիմադրութեանը...

Գեորգը մի համոզում ուներ, որ Մշո դաշտը, եթե առանց հայդուկի մնա, հայ թե թուրք դավաճանական ու դավադրական տրամադրութիւններն ազատ թեւածելու հնարավորութիւն կստանան: Նման պարագայում ժողովուրդըն իր գլուխը պիտի կորցնէր և կու գնար սև ուժին: Նա կարծես չէր ուզում տեսնել, որ իրենից հետո Երկրում մնում էր նախ՝ Ռուբենը: Վերջապես Դաշտի մեջ կարող էին մնալ ժողովուրդի սիրած հայդուկներից մի քանի հոգի՝ կազմակերպութեան համար տեղը պահելու համար: Մնում էր հայ-քրդական բարեկամութեան խնդիրը, որ Գեորգի ներկայութեան կարևորութիւնը շեշտող ազդակներից մեկն էր նկատված...

Պետք էր խոշոր խաչ դնել այդ «հայ-քրդական» ցնորքի վրա»⁴⁶:

Իր քայքայիչ վարքագիծն արդարացնելու համար Ռուբենը հայդուկներին վերագրում է արարքներ, որոնք վարկաբեկիչ են ոչ միայն այդ շարժման համար, այլև ստվեր են գցում հայ գլուղացու նվիրվածութեան և անձնագոհ-հույսի վրա: Ռուբենը գրում է. «Գեորգը ստիպված էր այդ դժոխք երկրի մեջ ոչ միայն դիմագրավել թշնամու հալածանքներին, այլև շարունակ տանջվել ֆիդայիների գազանութենին», որ հայդուկների թվի փոքրացման շնորհիվ ներքին տարածայնութիւնները վերացան և տաս օր անց «Գեորգը կամաց բոլոր գործերը կգցե իմ վզիս»⁴⁷:

Սա, մեղմ ասած, կեղծիք է, որ նպատակ ունի ոչ միայն արդարացնելու իր կուսակցութեան սխալ քաղաքականութիւնը, այլև լուսապսակով շղարշելու սեփական անձը, հագուրդ տալու սեփական փառամոլութեանը: Իսկ իրականութիւնն այն է, որ Գեորգը վճռականապէս հրաժարվեց դաշնակցական կուսակցութեան գործերով զբաղվելուց և պահանջում էր հայդուկային խմբերի ու ինքնապաշտպանութեան ջոկատների ինքնուրույնութիւն: Ռուբենն ինքն է խոստովանում, որ Գեորգը կուսակցական աշխատանքներով զբաղվելու ոչ մի ցանկութիւն չուներ⁴⁸:

1907 թ. մայիսի 25-ին Գեորգն ու իր ջոկատը մտան Սուլուխ գյուղ⁴⁹: Մինչև մայիսի 26-ի վերջալուսը Սուլուխում հավաքվեց 84 հայդուկ: Հաջորդ օրը սուլուխցի Մեսրոպի տանը ջուր տաքացրին, լողացան, խորոված պատրաստեցին և ուրախ կատակներով անհոգ նախաճաշում էին:

Նախաճաշը շարունակվում էր, երբ տանտերը գունատված ներս ընկավ ու բղավեց, թե Մուշից դուրք է գալիս, անհամար թվով զորք: Գեորգը վերցնելով ինքնադիտակը բարձրացավ կտուր և այն, ինչ տեսավ, ցնցեց նրան: Խոփերի դաշտը սևացել էր սևադգեստ թուրքական բանակից, որը մորեխի պես շարժվում էր դեպի Սուլուխ: Հարձակվող զորամասի առջևից գալիս էր Քյոսսա Բինրաշին: Թուրքական զորամասն այնքան էր մոտեցել, որ այլևս անհնար էր գլուղից հեռանալ և խուսափել ճակատամարտից, որովհետև հինդ հազար քրդեր իրենց հերթին արեւելքից, հարավից ու հարավ-արեւմուտքից շրջապատել էին Սուլուխը և սպասում էին Բինբաշու հրամանին:

Ուրեմն՝ ճակատամարտ: Գեորգի ուղեղը տենդագին աշխատում էր, որոշում պաշտպանութեան գիծը և հայդուկների ու գլուղի գինված ջոկատների

⁴⁶ Ավո, նշվ. աշխ., էջ 346—347:

⁴⁷ Ռուբեն, նշվ. աշխ., հ. Դ, Լոս-Անճելես, 1952, էջ 138—143:

⁴⁸ Կ. Սասունի, նշվ. աշխ., էջ 610:

⁴⁹ Նույն տեղում, էջ 652:

տեղադրման կետերը: Ու երբ նա կտուրից վայր իջավ, պաշտպանության մանրամասն սխեման արդեն լրիվ պատրաստ էր: Եվ առանց ժամանակ կորցնելու նա սկսեց հրահանգներ ու հրամաններ տալ:

Թուրքական վաշտերը մոտենում էին: Նրանք արդեն 100 մետր հեռավորության վրա էին, երբ պայթեց Գևորգի հրացանը: Բոլոր հայդուկները միաժամանակ կրակ բացեցին խիտ շարքերով առաջ եկող թուրքական վաշտերի վրա: Թուրքերի մի մասը ճանապարհից դուրս եկավ ու պատասպարվեց փոսերի մեջ, քարերի ու թփերի հետևը: Ոմանք շփոթված վազեցին դեպի գյուղ և թաքնվեցին պատերի տակ, իսկ հիմնական մասը հետ շրջվեց, հեռացավ ու դուրս գալով կրակի գոտուց, դիրքեր գրավեց:

Օրվա երկրորդ կեսին լսվեց թուրքական բանակի փողերի կանչը, և Քյոսա Բինբաշին երկրորդ անգամ հարձակման տարավ իր զորամասերը: Այս անգամ թուրքերն առաջ էին շարժվում ոչ թե զորասյուններով, այլ ցրված մարտակարգով՝ վազք-փորսող սկզբունքով: Սկսվեց կատաղի ճակատամարտ: Թուրքերը մեծ զոհեր էին տալիս, բայց ռամառներն առաջ էին շարժվում: Քյոսա Բինբաշին արդեն Քյուչուկի տան պատի տակ էր, երբ գետին տապալվեց: Թուրքերի մի մասը նրա մարմինը վերցրած հետ գնաց, իսկ մյուսները առաջ շարժվեցին ու մտան հայդուկների դասավորության մեջ:

Գևորգի կողքին կուլում էր Գալեն: Հանկարծ նրա հրացանը դադարեց կրակելուց: Գևորգը շուտ եկավ դեպի նա: Իր հայդուկային պատանեկության ընկերը՝ Գալեն սպանված էր: Նա հանձնարարեց Գալենի դիակը իջեցնել Քյուչուկի ախոռը, իսկ ինքը շարունակեց կրակել: Բայց հանկարծ դադարեց կրակելուց նաև նրա հրացանը: Ջսպանակը փչացել էր: Նա ծունկը գետին իջեցրեց և փորձեց կարգի գցել հրացանը: Այդ ժամանակ մի գնդակ անցնելով Գևորգի «աջ թիկունքից խոցվեց նրա ծնկի մեջ»: Գևորգը մի կերպ կտուրից վայր իջավ, մտավ ախոռ ու գիտակցությունը կորցրած ընկավ զոհված ընկերոջ կողքին⁵⁰:

Հայդուկներն ու սուլուխցիները մինչև երեկո հետ մղեցին թշնամու գրոհները, իսկ մութն ընկնելուն պես թողեցին իրենց դիրքերը և վերցնելով Գալենի դիակն ու վիրավոր Գևորգին՝ հեռացան Արածանիի ուղղությամբ:

Ծնիկցի Մանուկը վեր բերեց Գալենի դիակը, համարեց նրա ճակատը և հետո հանձնեց Արածանիի ջրերին: Նույն բանն արեցին նաև Հագոյի ու Հասանոյի դիակների հետ: Վիրավոր Գևորգին կապեցին ձիու թամբին ու Մուրադ գետի հոսանքին հակառակ ուղղությամբ շարժվեցին դեպի Շաշախտախ գյուղը: Այստեղ Գևորգին դրեցին եղբայրուտում, կանաչ թփերով ծածկեցին, երեք սուլուխցու ապսպրեցին հսկել նրան, իսկ իրենք գետն անցնելով հեռացան:

Հաջորդ օրն իր զորախմբով այստեղից անցնելիս քրդական ցեղապետ Զայնալ բեկը տնքոց է լսում: Գնում է ձայնի ուղղությամբ, խոտը հեռ է տանում ու տեսնում ջուր խնդրող հայդուկի մեռնող դեմքը:

Նա Գևորգին իսկույն ճանաչում է և անմիջապես հանձնարարում գդակով Արածանիից ջուր բերել: Զայնալը Գևորգի գլուխը բարձրացնում է և գդակով ջուրը մոտեցնում նրա շուրթերին. հենց այդպես, բուրդ ցեղապետի ձեռքերի վրա էլ Գևորգը մեռնում է:

Սուլուխի ճակատամարտի և Գևորգի սպանության մասին հիմնական գրավոր աղբյուրը Ռուբենի «Հայ հեղափոխականի մը հիշատակները» գիրքն է: Սակայն այս իրադարձությունների մասին այդ աղբյուրի և ճակատամարտի մասնակիցների պատմածների միջև լուրջ հակասություններ կան:

Նրանք անհնար էին համարում, որ տանիքին գտնվող Գևորգի վրա ներքևից կրակելիս գնդակը կպնեք նրա աջ թիկունքին և միաժամանակ ջարդեր ծունկը: Եթե ընդունենք, որ գնդակը սկզբում կպել էր ծնկին և ապա մտել կրծքի աջ վանդակը, ապա ծնկի ոսկորների ջախջախված լինելու փաստը բացառում

է նաև այդ հավանականությունը, մանավանդ, որ գնդակը Գևորգի մարմինը ծակել-անցել էր:

Այսինքն, անպատասխան են մնում այն հարցերը, թե ինչպե՞ս և ո՞ւմ գնդակից վիրավորվեց Գևորգը:

Գևորգի վերքը մահացու չէր և ինչպես մշեցի Ռուրենն էր ասում՝ նման վերքով նա կարող էր 1—2 շաբաթից ոտքի կանգնել: Գևորգը մեռավ արյունաքամ լինելուց, այլ խոսքով անուշադրությունից: Իսկ ինչո՞վ բացատրել այդ անուշադրությունը հայդուկային առաջնորդի նկատմամբ: Խոսքը սովորական անուշադրության, թեժ մարտերի պատճառով օգնելու անհնարինություն, թե՛ դիտավորության մասին է: Հարցեր, որոնք դժբախտաբար որոշակի պատասխան չունեն:

Ռուբենը գրում է, որ երբ Գևորգին դրեցին եղեգնուտների մեջ, նրան պաշտպանելու ու խնամելու համար թողեցին երկու սուլուխցու, իսկ ըստ պարո Սասունու, թողեցին մեկ մարդու՝ սուլուխցի Միհրանին: Մեկ այլ հեղինակ գրում է, որ թողեցին երեք հոգու: Բայց փաստորեն, երբ Ջալալի խումբը եղեգնուտ մտավ, Գևորգի մոտ ոչ ոք չկար: Ո՞ւր կորան, այդ պահպանները: Ըստ ոմանց, նրանք գիշերը գնացել էին Գևորգին գլուղ տեղափոխելու միջոցներ գտնելու:

Ջալալ բեկի հեռանալուն պես այնտեղ հայտնվեց թուրքական մի ջոկատ: Նրանք Գևորգի դիակը սայլի վրա դրեցին և հաղթական շեփորներ հըն-չեցնելով շարժվեցին հյուսիս՝ թանկարժեք ավարն իրենց տիրոջը հասցնելու համար: Մահվան թափորը դեռ չէր մոտեցել Մուշ քաղաքին, երբ նրան ընդառաջ եկավ զինվորական կայազորի փողային նվագախումբը՝ մի վաշտի ուղեկցությամբ: Այդ նույն նվագախումբն ու վաշտը մասնակցել էին Քյոսա Բինբաշու թաղմանը՝ նվագախմբի ու զինվորական ջոկատի ուղեկցությամբ Գևորգի աճյունը քաղաք բերվեց և դրվեց հրապարակում: Երեք օր շարունակ քաղաքի ազգաբնակչությունը նրան հրաժեշտ էր տալիս և ապա զինվորական բոլոր պատվածեսներով, Շոպենի երաժշտության ուղեկցությամբ նրան թաղեցին Սաչլի դուրանի վրա գտնվող Կողու թաղի գերեզմանատանը:

Գևորգի համար բնութագրական դարձան հետևյալ խոսքերը. «Միշտ ժողովրդի մեջ, միշտ ժողովրդին կպած»՝ այդ էին նրա մարտական տենչը, նրա գործելակերպը, անսպառ աղբյուրն այն անվախության ու անվեհերության, որոնցով նա ապրեց, փայլեց ու վերջին րոպեին... այրվեց:

Տարոնի ու Սասունի տանջանքն ու մաքառումն իր աչքով տեսավ, իր ականջով լսեց հարազատ երկրի փրկություն կանչող վշտոտ աղաղակը և այդ վիշտն ու տանջանքը նրա հերոսության հնոցը եղան, ոգեշնչողները և մղողներն այն ձեռնարկների, որոնցում նա փայլեց որպես ղեկավար ու հայդուկապետ, իբր վրիժառու ու մարդասեր:

Երբեք թիկունք չդարձրեց, երբեք ձեռքը չառավ տարագրի ցուպը, չկըտրվեց մայր հողից ու ժողովրդից: Աչքերն Անդոկին հառած նա մնաց մեծ՝ իր հավատով ու հավատարմությամբ, իր անսասան կամքով ու պատանեկան սիրով:

Հերոս՝ թշնամու դիմաց, Գևորգը հերոս մնաց և մահվան հանդեպ: Մի խելահեղ անվախ, անտարբեր՝ զգուշության կոչերի նկատմամբ, նա հարազատ ժողովրդին կտակեց արհամարհանք մահվան նկատմամբ և տիտանական ուժի դրաևորում՝ վտանգի ու մեծագործությունների կատարման ժամանակ:

ГЕВОРГ ЧАУШ

С. К. ПОГОСЯН

Резюме

Политика геноцида Османской Турции по отношению к армянскому народу вызвала сопротивление западных армян, которое в послед-

ние десятилетия XIX в. обрело характер вооруженной борьбы. Ударной силой этой борьбы было движение гайдуков, среди которых, наряду с Арабо, Грайром, Ахпюр Серобом, Андраником, Ростомом и др., своей деятельностью выделялся народный герой Геворг Чауш. Биография Геворга как гайдука в определенном смысле отражает историю движения фидаинов Тарона. Это движение по своему характеру было крестьянско-демократическим. Гайдуки были народными мстителями и боролись за право армян на существование.

Героическая биография Геворга Чауша совпадает с периодом возникновения и подъема движения фидаинов. Он был талантливым бойцом, тактиком, пользовался всенародной любовью. Всю свою сознательную жизнь Геворг Чауш посвятил движению народных повстанцев.

GEVORG CHAOOSH

POGHOSIAN S. H.

S u m m a r y

Ottoman Turkey's genocidal policy regarding Armenians brought on West Armenians' resistance which grew into an armed struggle in the 19th century. The striking force of that struggle was the guerrilla (haidook) movement; and the popular hero Gevorg Chaoosh occupies, by his activity, a unique place among well-known participants such as Arabo, Hlire, Aghbyoor Serob, Andranik, Rostom and others. The biography of Gevorg as a guerrilla reflects, in a certain sense, the history of the partisan movement of Taron. That movement had the nature of peasant democracy. The guerrillas were popular avengers and fought for the persistence of the people.

Gevorg Chaoosh's heroic biography coincides with the origine and advance of the guerrilla movement. He was a talented warrior and a battle leader, and he enjoyed the love of the entire people. Gevorg Chaoosh devoted his entire conscious life to the cause of his people's struggle.